

THUDIK LEH CHILGILNA

-T.Gwite-

Tuni thupi 'The Truth & Legalism' eipau in Thudik leh Chilgilna ahi. Nidanglai in Judea gam Ukpipa Pontias Pilate in TOUPA Jesu kiang ah "**THUDIK bang ahia?**" chih ana dong (Jno 18:38) a, tuni tan a mi tamtakte dotna ahi lai.

2. Kum 40 sung Israel mite kumpi David in thudik hichibang in a gen, "*Na thu teng teng kigawm thudik ahi*" (The entirety of Your word is the truth) (Psalms 119:160). Kumpi ahiah ziak a David thugen teng dik hipahlou in Pathian kamsang (Jawlnei/prophet) khat ahiah ziak in (Acts 2:30) a thugen dik hi. Thudik toh kisai in Jesu gen hiai ahi, "*Na thu in amaute susiang in, Na thu tuh thudik ahi*" (Jno 17:17). Hiai a thumal (word) greek pau ah Logos ahi a, Thukhunthak ah 331 vei kizang (KJV). 3 vei Word (capital letter in kipan) a, Pathian genna ahi. 221 vei word (small letter in kipan) kizang a thudik genkhiak genna ahi. Tua ahihman in thudik tuh Pathian ahi a, a thugente leng thudik ahi. Jesu mah mah in "*Kei lampi, thudik leh hinna ka hi*" a chi hi (Jno 14:6). Thudik tangkoupiah ding a mohpuakna got a om Paul in a nna hichiin ana genta, "*Baptisma tangsak ding in Khris in hon sawl kei a, Tanchinhoih puangzak ding in a hon sawl hi...*" achi (1 Kor 1:17). Hiai nasepna a Paul in a tangkoupichte lak a thupi thum lel i taklang ding uh.

i). **THEIHGIGENA ANKUANG (LORD'S SUPPER)**: Hiai ankuang poimohtak TOUPA Jesu'n a sihna in apankhia (Matt 26:26), Huai ban ah, Paul in hiai ankuang poimohna Korinth saptuamte kiang ah ana hilchian hi, "*Kon thuhilh sawn TOUPA kiang a kipan ka muh ahi a, huchia TOUPA Jesu'n matsak a a om zan a, tanghou a lak a, Kipahthu a gen khit a, a balkhap a, hiai Ka pumpi nou a dia piak ahi, keimah theihgigena in hiai hihzel un, a chih. Huchimah bang a, nitak ann nek khit a nou leng a lak a, hiai nou Ka sisan a thukhunthak ahi, na dawn teng un Kei mah theihgigena in hiai hih zel un, a chih. Huai tangthou na nek ua, noun a dawn teng un, A hong pain awn masiah TOUPA' sihna na puangzak zel ahi ahi ngal a*" (1 Kor 11:23-26). TOUPA JESU pumpi (taksa) leh sisan theihgigena a hih ding, huai bang a hih ahihteng a Amah sihna puangzak ahi chih Paul sinsakna ahi. Huan, Khris nungzuite tangthu chiamtehna, Nasepte i-et leh, Troas khua a nungzui masaten hiai ankuang NISAGIH NI MASAPEN ni in ana hih uh, "*Huan ni sagih ni masapen in tanghou balkham ding a ka kikhop lai un, Paul in a zing a pai a tup ziak in a kiang uah chihaktak in thu a gen a; zan laitan in thu a gen zel uhi*" (Nasepte 20:7). Hiai mun thum ah ankuang hong kipatdan, a poimohdan leh TOUPA NITAK ANKUANG um ding hun chiangtak a muh theih in om hi.

ii). **PHATNA LASAK (SINGING)**: Thukhunthak ah Pathian phatna late sakding dan kichiantak Paul in a hon nutsiat hi, lungsim a ging kilawm bawl ding thugousiah ahi, "*Phatna late, Pathian late, khalam late a kihoupiah chiat a TOUPA kiana na lungtang teng teng ua ging kilawm bawl leh la sa in...*" (Eph 5:19). Pathian deihdan a ging kilawm bawl ding thupiak mawlchik ahi. Thudik ngainaten a theihshiam ding uh. Theihshiam zohlouh thu haksah ahi kei.

iii). **THILPIAK (OFFERING)**: Thilpiak toh kisai in Korinth saptuamte kiang a thilpiak toh kisai a Paul sinsakna mawlchik leh manpha hiai ahi, "*Michih in it pipi a pelou in, piaklauh theihlou bang a leng ngaihtuah a pe tuanlou in, a lungtang ua a tupbang zel un pe chiat heh; Pathian in kipaktak a pe mi ahi, a it*" (2 Kor 9:7). Gelhdang TKT koimah ah piak ding zah bikhiak a kigelh

kei. Huchibang thupiak leng a om kei. Hiai bang a sinsakte, thudik zuite leh puangzakte chilgilte (legalists) chiin a ngaizam miten a kou leleu uhi. Pathian thudik zuihna ziak a bawlsiat a om ahihnak leh a poi sekei. Mihingte deihtelna sang a Pathian kipahna poimohzaw tham hi.

2. CHILGILNA (LEGALISM)

LEGALISM chih sappau thumal 'chilgil' chiin kon let mai a, laisiam khat in hichiina hilchian hi, "*strict conformity to the letter of the law, rather than its spirit*" (a kha lam sang a danthu chilgil tak a zuihna ahi). Hiai hilchetna dungzui in Pharisaite Sabbath khawlni chilgil tak a tanding dan a ngiat utoh kibang ahi. Sabbath khawlni a thilhoih leh thilsia hihlauh ding a deihdan uh ahi a, huai tuh Jesu'n a dem (Matt 12:10-12). Dan zuih dingdan a chilgil mah mah ziak un legalists ahi uh chileng dik din ka um. Himahleh, Thukhunthak a thupiak zuih, chilgiltak a dan (Mosi' Dan) zuihna ahi kei. Pathian' ni a Toupa' Nitak ann nungzuiten lui/um khawm chilgilna ahi kei. Lungsim a ging kilawm bawl a Pathian phatna lasak chilgilna ahi kei. Bikhiah omlou a vualzawlina Pathian akipan ngahte Amah kipaktak a piak chilgilna ahi kei. Chilgilna (legalism) ahi chite, thudik ngaizam, thudik ngaidau leh thudik ngainepte (Liberalism) ahi uh. Huainaksang in thumnanna ahi. Unaute khat in a thugelhna ah, "*Bible chih bang bang zuihna tuh chilgilna ahi kei a thumnanna ahi, midangte tunga phutluh kigakna ahi kei a, hasotna ahi*" (KHALAM GALTHUAM-P#335).

3. Peter in a laikhak masa ah "*Mi kuapeuh in thu a genleh Pathian' thute gen hen; mi kuapeuh in nna a sep leh Pathian in hanta a piak bang zel in sem hen...*" (1 Pet 4:11). Behlap hiam, lakkhen hiam omlou a Pathian deihdan zuih chilgilna ahi kei; thumnanna ahi. Thumnanna tellou in kuamah Khris nungzui (Christian) ahi theikei. Aman "*Nou hon it uleh Ka thupiakte (thudik/truth) na zuiding uh*" a chi (Jno 14:15). Tangtawn daihdang khawvel a omsun thudik ahi. Huai tuh mihingte suakta sak thei ding omsun leng ahi. Tangtawn daih thilte (thudik) a kinga ding a kuapeuh chial ihi vek uh.

PLACE OF WORSHIP
 Yusuf Sadan, Secred Heart
 Cathedral, Ashoka Road,
 Delhi - 110001
 Phone No. 9953968807
 website : www.cocdelhi.org

'KHRIS' SUANGPHUM, A WEEKLY BULLETIN FOR
 THE MEMBERS OF THE CHURCH OF CHRIST, DELHI,
 ON THE FIRST DAY OF THE WEEK'

Enkaitu : Jamson Guite

BIBLE CLASS
Class Teacher
 Adult : James, Siamkhanmuan
 Inter. : Biakmang & Jamson
 Junior : Minlun & Suanlian
 Primary : Vungngaihkim & Rose
 Beginner : Chingkhanlun & Rosely

**TOUPA NI'
 THILPIAK**

Date 17.11.2023 = 53,113/-

LAI SIANG THOU TANG TEL

"Thu ka hon piak tengteng zui diing in thu hilh un. Ngai un kei tangtawn in, khovel tawp pha inleng, na kiang uah ka om gige hi a chi hi - Matthai 28:20

THU TUAMTUAM

THU TUAMTUAM

Biakna Hunzeek

Toupa' Ni

Date 24.11.2023

Hun-uk thumna : Lang James
 Lapi : Sei Robert
 Thilpiak : Gin Samuel
 Theihgigena : Nekkhothang
 Thugen : Jamson
 Thumna : Khamminthang

Midweek online Bible Class

Date 27.11.2024

Thumna : Gin Samuel
 Sinsaktu : Lindell Mitchell
 Thumna : Siamkhanmuan

Kiginni

Date 30.11.2024

Hun-uk thumna : Reuben
 Lapi : Kamkhenthang
 Thugen : Thangzalam
 Thumna : Ginlian

Toupa' Ni

Date 01.12.2024

Hun-uk thumna : Jamson
 Lapi : Thongginlian
 Thilpiak : Kammuanlal
 Theihgigena : Khamminthang
 Thugen : Thongsindong
 Thumna : Janglet

ZOH HINAWNTA

❖ Zan kiginni in Pathain ompihna thupitak toh gelkholh a om bangbang in tukum a diing a anihveina, Family Fellowship neihzoh in omnawnta hi. Zinglam dak 11:30 in kipan a, nitaklam dak 4:30 in buaina leh nongkaina bangmah omlou in zoh in om hi.

Hiai hun a thupi paipi ahihleh "Khovel a na innkuan" chih hi a, hiai thulu nuai ah zinglam in unaupa Jamson in "Khovel a Lot leh a innkuan" chih thupi zang in innkuan bitna dia Lot apan zillai omtheite genna hun zang hi. Huan, nitaklam in unaupa Jamson mah in "Khovel a Noah leh a innkuan" chih thupi zang in khovel settak lak a i innkuante i humbit theihna diing a Noah ettoh diing ahildan gen nawn hi. Tutung thupi innkuan kepbitna toh kisai ahih toh kiton in innkuan kepbit lunggulh unaute tamtak kipaikhawm in program nuamtak a zat in om hi.

BIAKNA HUN KIKHEK

❖ Biakna mun neite apan tuni biakkhawmna zinglam hun lemtang theilou diing zak ahi. Tua ahihman in tuni Toupa ni kikhop nitaklam dak 4 diing a suan gamlat in om hi. Unaute'n i chiamteh chiat diing uh. Zan nitaklam a kitheipan ahihna ah biakna mun a kipuung manlou a, a theih khalou dia i gingtak omleh ei mohpuakna a la chiat in huchibangte hilhsawn diing in i kingen ahi.

EXAM OM DIING

❖ Damleh kalnawn Toupa Ni chiang in Toupa Ni skul tengteng in kumtawp exam neih hi diing hi. Kuapeuh in hiai hun ngaikhok a exam pesiausiau diing a theihsak i hi. I zillai chiat etkik ngaite enkik thak in hohtak in i kisakhol chiat diing uh.

LAZILNA OMLOU DIING

❖ Zingchiang biakna hun ahong kikhek guih ziak in lazil ni diing himahleh lazilna omlou phot diing hi. Huaiziak in dak 4 in biakna kipan ngal diing hi. Chiamteh in ahun lap diing in kuan chiat ni.

HONGZIN UH

❖ Lamka apan in unaupa Kaikhan-siam-te nupa Delhi a atate veh diing leh poimoh khenkhat ziak in hong zin ua kal paita Toupa Ni in leng unaute biakna ah hong kihel thei uhi. Bangtan om a bang hun a kikhawn diing uh hiam chih bel theih hilou.

BOARD MEMBER MEETING OM

❖ Zan kiginni nitaklam family fellowship program zatkhait in BBII board member omteng in BBII toh kisai in tutkhwamna saulou nei uhi. A thu kikupte uh saptuam business meeting chiang in huai ah pulak diing uhi.

TUAILAI PROGRAM OMLOU DIING

❖ Tuailai makai lamte apan thutut kimu dan in zingchiang biakna hun kikhek ziak in tuailai program neih ni diing himahleh omlou phot diing chih ahi. Biakkhopna dak 6 lam a kizou pan diing ahihna a huai nung a program neihhsawn pen zekai deuh diing a ngaihsut ziak a neihlauh phot diing chih dan ahi.

SUNPIHNA

❖ Unaunu Mary Nemlianching in a nu neu ana suun ahih thu zak ahi. Unaunu lusuunna i thuakpih ua Pathian ompihna i ngetpih ahi.

KHAKKHIK HITA

❖ Kha Namsau sim theih dia sutkhiak ahih toh kiton in mundang a om unaute a diing leng khakkhiak khait hi-nawnta hi. Tukul ahih keileh kalnawn sung khong a ana muh ngei uh lamet ahi. I lak a alakha nailoute'n leng lak theih lai ahi.